

Tin diferente grupo musical di afo ta bin toca e luna aki

HOPI TA PUNTRA SI TA DURANTE CARNAVAL SO ASOMA TA EXISTI

ORANJESTAD (AAN): Informacion cu DIARIO a ricibi ta indica cu com-pronde cu durante e luna aki tin diferente gruponan musical ta bin for di exterior pa toca na Aruba. Awor ta unda e regla a keda cu ta un grupo musical so tin mag di bin for di exterior pa toca na Aruba pa luna? Con por ta posibel cu awor diripiente tin 4 grupo for di exterior cu vergunning pa toca na Aruba?

Unda nos bandanan local a keda, unda ASOMA a keda? Nan ta puntra si ASOMA ta funciona durante carnaval so? No, esaki no ta e caso segun ASOMA pasobra ta minister di justicia ta esun

cu ta responsabel pa e dunamento di permit pa e bandanan cu ta bin di exterior!

ASOMA ta bisa bon cla cu ora bo papia diferente biaha cu minister anto minister no ta haci caso anto kico mas ASOMA por haci? Tambe tin e problema cu nos musiconan no ta uni pasobra si esaki tabata e caso anto ningun banda local lo a bay toca cu e bandanan cu ta bin for di exterior.

Hende ta lubida cada biaha

cu ta na e forma aki nos placa ta bay pa exterior siendo cu si nos haci uso di nos bandanan local anto nos por tene e placa den c.s.

Pero probablemente materialismo ta bay na prome lugar awendia y Aruba mes na di dos lugar.

Awor, e interes tey pa mira cual bandanan di exterior ta bay toca durante eventonan politico. Anto laga nos bay wak con esaki por worde hustifica!

Diario. - (14 juli 1994)